

HESPER JUGENDGEMENGEROT

Rapport vun der Versammlung vum 20/09/2014 um 10.00 Auer.

Präsenzen: Niki, Pit, Laura, Emerson, Stefano, Mergim,
Romain vum Jugendtreff, Magali vu 4motion

Entschëllegt: /

Themen déi beschwat gi sinn:

- Neie Member
- Fräschmaart
- T-shirten
- Gemengebuet
- Allgemeng Informatiounen
- Nei Memberen
- Diskussioun iwwert de Park um Houwald
- Neien JGR

Neie Member

De Jugendgemengerot (JGR) begrüsst häerzlech säin neie Member, den Niki.

Fräschmaart

De Romain weist nach eng Kéier drop hin, datt de Projet vum Fräschmaart vum Schäfferot begrüsst gëtt. De Mëttwoch 24. September ass déi offiziell Ouverture vum Maart, um 17.30 Auer. Mat dobäi si ronn 15 Stänn, déi frëscht Uebst a Geméis, Blumen, Fleesch, etc. ubidden.

Op der Ouverture sinn och Jonker aus dem JGR dobäi.

De Maart ass ab September all 2 Woche bei der Gemeng, tëschent 16.00 an 20.00 Auer.

Déi Jonk aus dem JGR kréien all en T-shirt vum Jugendtreff mat engem Badge dee si op den T-shirt maache kënnen mat hirem Numm an dem Logo vum JGR. D'Magali këmmert sech ëm de Badge.

T-shirten

Am Ufank sollt den T-shirt blo ginn. Well bei dëser Faarf de Logo net gutt ze gesinn ass, gëtt elo gekuckt fir wäiss oder neutral T-shirten ze huelen wou de Logo eng Kéier vir op d'Broscht kënnt, an eng Kéier op de Réck.

Gemengebuet

De Romain proposéiert, datt den JGR en Artikel soll schreiwe fir an den Gemengebuet viru Chrëschtdaag, wou d'Aktivitéite vum JGR fir 2015 presentéiert ginn.

Allgemeng Informatiounen

- De JGR informéiert datt am Park Hesper Poubellen installéiert ginn.
- Den Denis ass op der Uni an Holland a kann momentan net sou oft bei de Versammlungen dobäi sinn. Hie bleift awer weiderhin nach am JGR aktiv.
- De Mergim freet ob et méiglech ass, fir am Park Hesper Netzgoaler z'installéieren, well déi déi elo do si geféierlech sinn.
- Den Niki weist drop hin, datt d'Kanner aus der Maison relais um Skatepark fräi ronderëm lafen, an dat geféierlech ass fir déi déi Skate fueren a fir déi kleng Kanner. Et ass wichteg hei d'Personal vun der Maison relais drop hinzeweisen, datt et sech hei ëm een Skatepark handelt a kleng Kanner net däerfe ronderëm lafen.

Nei Memberen

De Romain weist den JGR drop hin, datt ee muss zesummen ee Wee fannen fir nei Memberen an den JGR ze kréien. Eng wichteg Saach ass, datt de JGR muss präsent sinn, dëst souwuel bei Evenementer an der Gemeng, mee och iwwert de Wee vun der Publicitéit.

- Publicitéit iwwert de Jugentreff: De Jugentreff gëtt zesumme mam Centre Info Jeunes e Guide fir 2015 eraus. Dëse Guide enthält all d'Informatiounen fir déi Jonk angëtt un 2000 Jonker aus der Gemeng verschéckt. De Romain proposéiert datt de JGR direkt op der éischter Säit en Opruff fir nei Membere mécht.
- Präsenz: De JGR muss Präsenz op Plazen/ Evenementer an der Gemeng weisen. Wichteg ass datt ëmmer een do ass eng Präsenz weist.
- Internetsite a Gemengebuet: De JGR muss hei e stännegen Opruff fir nei Membere maachen.
- Flyer: De Flyer existéiert nach, dee kann ëmmer erëm ausgedréckt ginn an och an den Buet geluecht ginn.

Park Howald

2013 gouf um Houwald den nei amenagéierte Fussballsterrain ageweit. Dësen Terrain gouf extra fir déi Jonk ab 12 Joer gemaach, well déi bis dohinner ëmmer den Terrain vun der Schoul benotzt hunn. Dësen neie Park/Terrain huet souvill Succès datt sech vill Jonker do zesumme fonnt hunn. Dëst huet dozou gefouert datt d'Awunner sech iwwert de Kamédi beschwéiert hunn. D'Gemeng huet en neit Règlement fir d'Benotzung vum Terrain agefouert. Dësen ass elo nëmmen nach fir déi 12 bis 18jähreg ze benotzen an dat vun 8.00 bis 20.00 Auer.

De JGR beschäftegt sech mat der Thematik vum Park um Houwald.

Nächsten JGR

Den nächste JGR ass de 25. Oktober moies um 10.00 Auer.